



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK



Tel: 032 650 022
032 650 547
Fax: 032 650 220

www.opcina-tesanj.ba
E-mail: optesanj@bih.net.ba
fuad.sisic@opcina-tesanj.ba

Trg Alije Izetbegovića 11, 74260
Tešanj

Broj: 02-23-11-59-29/11.
Tešanj, 01.09.2011.g.

Na osnovu člana 30. Statuta Općine Tešanj („Službeni glasnik Općine Tešanj“, broj:11/07), Općinski načelnik Općine Tešanj, raspisuje:

JAVNI POZIV

Predmet Javnog poziva je iskazivanje interesa za privođenje krajnjoj namjeni Regulacionog plana turističko-rekreacione zone "Kiseljak" Tešanj („Službeni glasnik Općine Tešanj“, broj:2/10).

Područje obuhvaćeno Planom kroz urbanističku postavku predstavlja samostalnu i jedinstvenu prostornu i funkcionalnu cjelinu. Istovremeno predstavlja prostor koji potpada pod granice Prostornog plana općine Tešanj, a definisan je kao turističko-rekreativna zona.

Granica obuhvata turističko-rekreacione zone "Kiseljak" Tešanj, osim užeg i šireg područja turističko-rekreacione zone Kiseljak koja je u površini od cca 10ha, granice obuhvata su proširene na dio zone Parka prirode „Crni Vrh“ i to samo njegovim dijelom do postojećeg regionalnog puta Tešanj- Novi Šeher i tretirano je kao šira zona rekreacijskog parka „Kiseljak“.

Svi objekti i sadržaji definisani regulacionim planom trebaju se locirati na prostorima na kojima su predviđeni, na osnovu orijentaciono datih gabarita i uz planiranu spratnost, poštujući pri tom regulacione i građevinske linije.

Sadržaji su samo okvirno određeni i mogu se prilagođavati budućim potrebama posjetitelja, korisnika, ali i vlasnika objekata. Za sve postojeće objekte koji se zadržavaju daje se mogućnost građevinskih intervencija uz pretpostavku neophodnih arhitektonsko-građevinskih obnova, uz zadržavanje i primjenu prirodnih materijala, a bez dodatne izgradnje. Ukoliko se pokaže neophodnim, na istim lokacijama i u istim dimenzijama, te adekvatnim prirodnim građevnim materijalima, mogu se izgraditi novi objekti.

Sastavni dio ovog Javnog poziva je grafički prikaz RP „Kiseljak“.

Pravo učešća na Javni poziv imaju sva zainteresovana fizička i pravna lica.

Po okončanju ovog Javnog poziva i utvrđivanja zainteresovanosti nadležna služba općine Tešanj će pripremiti Javni poziv sa elementima iz regulacionog plana za privođenje krajnjoj namjeni ponuđenog lokaliteta, sa tačno utvrđenim uslovima i rokovima koji će biti transparentno objavljen a prema propisanoj proceduri.

Pisma namjere dostaviti u zatvorenoj koverti sa naznakom „PRIJAVA NA JAVI POZIV „RP Kiseljak“ NE OTVARAJ“ neposredno u šalter Sali Općine/u Službu za katastar, urbanizam i imovinsko pravne poslove/ ili preporučeno poštanskom pošiljkom na adresu: Općina Tešanj, ul.Trg Alije Izetbegovića, broj 11, 74260 Tešanj.

Javni poziv ostaje otvoren do pribavljanja prihvatljivog pisma namjera za Općinu.

Pismo namjere treba da sadrži: ime i prezime, odnosno firmu, tačnu adresu, kontakt telefon prijavljenog ponuđača, kratak opis željenih aktivnosti u okviru ponuđenog „RP Kiseljak“ sa obimom ulaganja (finansijiski aspekt).

Javni poziv će se objaviti na Oglasnoj ploči Općine Tešanj, web stranici Općine Tešanj: www.opcina-tesanj.ba, te u lokalnim medijima.

Sve detaljnije informacije u vezi sa Javnim pozivom mogu se dobiti kod općinskog organa uprave nadležnog za poslove urbanizma svakim radnim danom od 8-16 sati ili putem telefona na broj: 032 650-022, lokal 130, kontakt osoba Nermina Kotorić.

OPĆINSKI NAČELNIK:

FUAD Šišić, dipl.ing.maš.

DOSTAVITI:

- 1.Lokalni mediji.
- 2.Oglasna ploča Općine Tešanj.
- 3.WEB stranica Općine Tešanj.
- 4.Služba za katastar,urbanizam i imovinsko-pravne poslove.
- 5.Agencija za razvoj,Tešanj-TRA.
- 6.Šalter sala(referent za prijem podnesaka).
- 7.Arhiva.